

CALYPSO-ROADMARCH DEDICA NA SWINDA PETRONELLA-KELLY

E aña aki ASOMA lo dedica e festival di Calypso Roadmarch na Swinda Petronella Kelly. Den añanan 40 "Jouvert Morning" a cumenza tuma lugar na San Nicolas. Tabata tempo cu muchanan tabata bati nan blekinan, otro nan tabata bati cahanan chiquito di palo, anunciando "Jouvert morning". Despues a bini e epoca di steelband.

Tur hende den Village tabata lanta pa bay mira di unda e boroto tabata sali y despues kico tin na lugar di e tocamento di steelband.

Tabata den añanan 70 Swinda Petronella-Kelly a cumenza haci esaki algo di celebracion carnavalesco mas grandi.

Swinda Petronella-Kelly a cumenza organiza su muchanan den Village y aña tras aña tabata celebra su "Jouvert Morning" te cu esaki a bin bira conoci como "pajamas party" y e parada como "pajamas parade".

Nan tabata bali den tur hanchi di village siguiendo e muchanan dirigi pa Swinda, padvindernan y steelband.

E actividad aki nunca tabata tin un bringamento cune.

Hendenan cu nunca tabata bay San Nicolas a cumenza bay San Nicolas pa mira kico Jouvert Morning cu su Pajama Parade tabata.

Na Principio di añanan 80, SAC a cumenza mira e importancia di e actividad aki cu tabata birando mas y mas popular.

S-United den un di e trucknan grandi cu e banda riba dje, a pasa den hanchinan, basha un cura di cas abao, keda pega den hanchinan smal, durante

e prome actividad di Jouvert morning cu vehiculo pasando den Village.

Swinda a pasa e organizacion na SAC y Jouvert Morning a bira un actividad cuminsando 4 or di madrugada dilanti Sport Park e diasabra final di carnaval.

Swinda no a para ke to, pasobra el a sigui cu su muchanan, ponenan subi caya tur aña den carnaval di mucha, algo cu na 1979 el a cumenza cune.

Dr. Zaandam, Acme Store y Lago, tambe riferonan grandi di San Nicolas cu tabata

bende banda di Brooklyn Bar a cumenza sponsor e grupo y despues Dr. Broderie y otro nan a cay aden.

Swinda a duna Jouvert Morning e bida cu awe e tin y e popularidad cu el a cosecha den nos carnaval.

Swinda tabata masha activo riba tereno di baile tambe.

E tabata dirigi grupo di baile



folklorico y grupo di baile di tambu, musica moderno etc. El a actua cu su gruponan den Watapana Festival dilanti Hotel Central prome cu e festival a bira Bon Bini Festival.

Un di e baliadornan grandi tabata su ruman Richard Quand, "Alias Tattoo", e baliador sin weso na cintura. Gruponan di Swinda por a ser haya den celebracionnan di Pasco Grandi, Aña di La Re-

ina, Tres Rey, Carnaval, Dia di Himno y bandera.

Su deseo semper tabata un "Speeltuinen den Village".

El a yega di haya un speeltuinen di gobierno antes y e muchanan mes tabata dirigi esaki. A bin e construccion di casnan den Village y e "speeltuinen" a desaparece.

Dilanti su cas tin un tereno, y e ta desea di haya esaki pa por converti e lugar den speeltuinen pa muchanan di Village.